



Regionalni centar Tuzla

Broj: 02/6-2/IV-07-1-PSD-5/14

Tuzla, 10.03.2015. godine

Na osnovu člana 66. Zakona o porezu na dodatu vrijednost ("Službeni glasnik BiH", broj 9/05, 35/05 i 100/08), člana 127. Pravilnika o primjeni Zakona o porezu na dodatu vrijednost ("Službeni glasnik BiH", broj 93/05, 21/06, 60/06, 06/07, 100/07, 35/08 i 65/10), te člana 8. Instrukcije o postupku uvođenja posebne šeme dužnika ("Službeni glasnik BiH", broj 35/08), rješavajući po službenoj dužnosti Grupa za prinudnu naplatu u Regionalnom centru Tuzla donosi

R J E Š E N J E

1. UVODI SE POSEBNA ŠEMA ZA NAPLATU PDV-a od poreskog obveznika dužnika **ZADA pharmaceuticals d.o.o.**, Bistarac Donji bb, Lukavac, PDV broj 209836550006.
2. Porezni obveznik dužnik je obavezan u svoje fakture za isporuke licima koja su registrovana za PDV unijeti sljedeću klauzulu: **"Iznos PDV-a naveden u ovoj fakturi plaća se Upravi za indirektno oporezivanje s pozivom na PDV broj 209836550006"**.
3. PDV obveznici koji su primaoci isporuka od strane dužnika iz tačke 1. dispozitiva ovog rješenja dužni su iznos PDV-a sa fakture uplaćivati direktno Upravi za indirektno oporezivanje i to do 5. u mjesecu za prethodni porezni period. U istom roku primaoc isporuke je dužan dostaviti Upravi za indirektno oporezivanje listu sa podacima za prethodni porezni period, a koji se odnose na poreznog obveznika dužnika prema kojem je uvedena posebna šema, sa sljedećim sadržajem:
 - iznos zadržanog PDV-a,
 - identifikacioni broj isporučioaca dobra ili usluga,
 - identifikacioni broj primaoca dobra ili usluga koji je zadržao iznos PDV-a.
4. Posebna šema se primjenjuje od dana objavljivanja ovog rješenja u "Službenom glasniku BiH".
5. Dužnik ZADA pharmaceuticals d.o.o. iz Lukavca obavezan je rješenje kojim se utvrđuje obaveza plaćanja po posebnoj šemi istaći u poslovnim prostorijama na vidno mjesto, zajedno s uvjerenjem o registraciji za PDV.
6. Žalba ne odlaže izvršenje rješenja.
7. Ovo rješenje će biti objavljeno u „Službenom glasniku BiH“ i u tri najčitanije dnevne novine.

Obrazloženje

Regionalni centar Tuzla, Grupa za prinudnu naplatu vodi postupak prinudne naplate PDV-a od dužnika ZADA pharmaceuticals d.o.o. iz Lukavca, po osnovu naloga za prinudnu naplatu broj: 02/6-1/II-16-16-113-3482/12 od 26.04.2012., 02/6-1/II-16-16-113-4590/12 od 28.05.2012., 02/6-1/II-16-16-113-6575/12 od 26.07.2012., 02/6-1/II-16-16-37-6886/13 od 26.08.2013., 02/6-1/II-16-16-37-7756/13 od 26.09.2013., 02/6-1/II-16-16-37-8749/13 od 28.10.2013., 02/6-1/II-16-16-37-9565/13 od 27.11.2013., 02/6-1/II-16-16-37-10704/13 od 26.12.2013., 02/6-2/IV-16-16-95-402/14 od 27.01.2014., 02/6-2/IV-16-16-95-1524/14 od 26.02.2014., 02/6-2/IV-16-16-95-2292/14 od 27.03.2014., 02/6-2/IV-16-16-95-3171/14 od 28.04.2014., 02/6-2/IV-16-16-95-4292/14 od 26.05.2014., 02/6-2/IV-16-16-95-5434/14 od 26.06.2014., 02/6-2/IV-16-16-95-6557/14 od 28.07.2014., 02/6-2/IV-16-16-95-7465/14 od 26.08.2014., 02/6-2/IV-16-16-95-8460/14 od 26.09.2014., 02/6-2/IV-16-16-95-9533/14 od 27.10.2014., 02/6-2/IV-16-16-95-10481/14 od 26.11.2014., 02/6-2/IV-16-16-95-11450/14 od 26.12.2014., 02/6-2/IV-16-16-101-249/15 od 27.01.2015., 02/6-2/IV-16-16-101-1465/15 od 26.02.2015., koji su izdati za poreske periode mart, april i juni 2012., te za svaki poreski period od jula 2013. do januara 2015. godine. Nalozima su izdati u skladu sa članom 42. Pravilnika o provođenju Zakona o postupku prinudne naplate indirektnih poreza ("Službeni glasnik BiH", broj 27/12), jer obaveze iskazane u redovnim prijavama samooporezivanja koje su podnesene za navedene poreske periode nisu izmirene kako je propisano članom 39. Zakona o porezu na dodatu vrijednost. Pošto dužnik nije uplatio dug nakon uručjenja naloga za prinudnu naplatu, a na temelju odredbe člana 45. Pravilnika o provođenju Zakona o postupku prinudne naplate indirektnih poreza, izdat je nalog za pljenidbu cjelokupne postojeće i buduće imovine dužnika. Na dan donošenja ovog rješenja dug po osnovu PDV-a dužnika ZADA pharmaceuticals d.o.o. iz Lukavca iznosi ukupno 1.193.632,83 KM, od čega je

926.467,43 KM glavni dug, 50.889,40 KM naknadni teret prinude i 216.276,00 KM kamata. Od ukupnog iznosa duga, iznos od 278.478,49 KM koji će se uvećati za zakonsku kamatu do dana plaćanja, naplaćuje se u izvršnom postupku kod Općinskog suda u Tuzli iz ugovorenog zaloga, kao posljedica nepoštivanja rješenja o plaćanju duga na rate donesenog od strane UIO, Sektor za poslovne usluge.

Provodeći postupak prinudne naplate za dio duga koji nije obuhvaćen ranije pomenutim ugovorenim zalogom, saglasno odredbi člana 13. Zakona o postupku prinudne naplate indirektnih poreza ("Službeni glasnik BiH", broj 89/05 i 62/11), izvršena je obustava transakcija preko bankovnih računa dužnika, koja do danas nije rezultirala naplatom duga. Sva pokretna imovina zatečena kod dužnika predmet je zaloga u korist drugih povjerilaca, dok je na nepokretnu imovinu u korist Uprave za indirektno oprezivanje upisana zakonska hipoteka, ali kako pored hipoteke UIO postoje drugi povjerioci koji imaju prvenstveni red u namirenju, to je naplata duga po osnovu indirektnih poreza na takav način upitna i neizvjesna.

Kako kod dužnika nije pronađena druga imovina koja bi bila dovoljna da se dug namiri i kako je dužnik nastavio vršiti oporezivi promet usljed čega se dug kontinuirano uvećava, stekli su se uslovi da Grupa za prinudnu naplatu, saglasno odredbama člana 66., stav (3) Zakona o porezu na dodatu vrijednost i člana 127., stav (1) Pravilnika o primjeni Zakona o porezu na dodatu vrijednost, započne postupak uvođenja posebne šeme za naplatu duga dužnika ZADA pharmaceuticals d.o.o. iz Lukavca.

Na osnovu člana 3., stav (1) i (3) Instrukcije o postupku uvođenja posebne šeme dužnika Grupi za reviziju i kontrolu u Regionalnom centru Tuzla dostavljena je inicijativa za kontrolu poreznog obveznika dužnika s aspekta procjene kategorija iz člana 5. iste Instrukcije.

Kontrolom koja je obuhvatila porezne periode od 01.01.2010. do 31.12.2014. godine, kao i prikupljanjem podataka u toku postupka prinudne naplate duga, utvrđene su činjenice koje nesumnjivo ukazuju na potrebu i opravdanost uvođenja posebne šeme za naplatu duga ovog dužnika, a posebno iz sljedećih razloga:

- Kontrolom je utvrđeno da ZADA pharmaceuticals d.o.o. vrši promet farmaceutskih proizvoda na domaćem tržištu kao veleprodaja i to prema kupcu povezanom licu BOSNAFARM d.o.o. iz Lukavca i BIPHARM d.o.o. iz Lukavca;
- Uvidom u IS "Alice" utvrđeno je da u posljednjih dvanaest mjeseci dužnik kontinuirano vrši isporuke ukupne vrijednosti 4.200.604,00 KM (iznos bez PDV-a), te da je iskazao izlaznog PDV-a ukupno 714.096,00 KM;
- Prema podacima iz Registra zaloga Ministarstva pravde BiH dužnikova pokretna imovina je založena u korist povjerilaca Hypo Alpe-Adria-Bank d.d., UniCredit Leasing d.o.o. i Razvojna banka FBiH,
- Na nekretninama dužnika konstituisana je hipoteka radi osiguranja potraživanja u korist banaka UniCredit Bank d.d., Hypo Alpe-Adria-Bank d.d. i Intesa SanPaolo Banka d.d. BiH, a samo prema Hypo Alpe-Adria-Bank d.d. dužnik iskazuje obaveze po osnovu dugoročnog kredita u iznosu od 4.223.248,33 KM. Prema Poreznoj upravi FBiH dužnik iskazuje dug u iznosu od 90.028,54 KM osiguran zalogom na pokretnoj imovini;
- Prema bilansu uspjeha za 2013. godine iskazan je ukupan prihod dužnika od 5.470.697,00 KM, te dobit od 700.780,00 KM.

Na osnovu utvrđenih činjenica saglasno odredbama člana 6., stav (1), a primjenom člana 8., stav (1) Instrukcije o postupku uvođenja posebne šeme dužnika, Grupa za prinudnu naplatu u Regionalnom centru Tuzla je dana 09.02.2015. godine dostavila dužniku ZADA pharmaceuticals d.o.o. pismo namjere broj 02/6-2/IV-07-1-PSD-4/14, u kojem ga obavještava o iznosu duga i namjeri uvođenja posebne šeme za naplatu PDV-a u roku od 30 dana ako dužnik ne izmiri dug ili ne obezbijedi adekvatnu garanciju za plaćanje duga, kako je propisano odredbom člana 128., stav (1) i (2) Pravilnika o primjeni Zakona o porezu na dodatu vrijednost. U pismu namjere dužniku je ukazano na obaveze koje mu se stavljaju na teret uvođenjem posebne dužničke šeme, shodno odredbama člana 128., stav (3) Pravilnika o primjeni Zakona o porezu na dodatu vrijednost. Kako dužnik u ostavljenom roku nije uplatio dug ili obezbijedio adekvatnu garanciju za plaćanje duga, a dug se i dalje uvećavao u proteklih 30 dana, odlučeno je da se na ovog obveznika primijeni posebna šema radi obezbjeđenja naplate duga.

Pri donošenju odluke o uvođenju posebne šeme dužnika Grupa za prinudnu naplatu je kao odlučne činjenice cijenila: iznos duga po osnovu indirektnih poreza koji se neprekidno uvećava, milionski iznos duga prema drugim povjeriocima, nemogućnost naplate poreza na dodatu vrijednost iz imovine dužnika, historijat ponašanja dužnika u protekloj godini. Kako podaci iz mjesečnih poreznih prijava ukazuju da dužnik kontinuirano obavlja oporezivi promet i iskazuje izlazni PDV, a s druge strane vrši isporuke na domaćem tržištu prema povezanim licima - registriranim PDV obveznicima, to je nespornim utvrđeno da je opravdano i neophodno uvođenje posebne šeme dužnika, pa je iz tih razloga odlučeno kao u dispozitivu ovog rješenja.

Na temelju odredbe člana 66., stav (4), a u vezi sa članom 42., stav (1) Zakona o porezu na dodatu vrijednost, poreski obveznik dužnik (isporučioc dobara i usluga) i poreski obveznici kupci (primaoci dobara i usluga) su solidarno i pojedinačno odgovorni za plaćanje PDV-a, dok se ne primi dokaz da je fakturirani PDV plaćen.

Shodno odredbama člana 66., stav (7) i člana 128., stav (4) Pravilnika o primjeni Zakona o porezu na dodatu vrijednost, ovo rješenje će biti objavljeno u „Službenom glasniku BiH“ i tri najčitanije dnevne novine, a isto je dužnik obavezan istaći u poslovnim prostorijama na vidno mjesto zajedno s uvjerenjem o registraciji za PDV.

Odredbom člana 137., stav (1) Zakona o postupku indirektnog oporezivanja („Službeni glasnik BiH“, broj 89/05 i 100/13) propisano je da žalba ne odlaže izvršenje rješenja.

Pouka o pravnom lijeku:

Protiv ovog rješenja može se uložiti žalba prvostepenom organu u roku od 15 dana od dana prijema rješenja, predajom na pisarnicu RC Tuzla ili putem pošte. U skladu sa članom 12. Zakona o administrativnim taksama ("Službeni glasnik BiH", broj 16/02, 19/02, 43/04, 8/06, 76/06, 76/07, 98/12), žalba izjavljena na odluke donijete u postupcima koji se vode po službenoj dužnosti ne podliježe plaćanju takse.

Dostavljeno:

1. ZADA pharmaceuticals d.o.o. Lukavac
2. Grupa za reviziju i kontrolu, RC Tuzla
3. Sektor za poslovne usluge, Odsjek za prinudnu naplatu
4. Odsjek za poslovne usluge, RC Tuzla
4. Grupa za prinudnu naplatu

Šef Grupe za prinudnu naplatu